

**2020 Rhif (Cy. )**

**IECHYD PLANHIGION,  
CYMRU**

**Rheoliadau Iechyd Planhigion etc.  
(Ffioedd) (Cymru) (Diwygio) 2020**

**NODYN ESBONIADOL**

*(Nid yw'r nodyn hwn yn rhan o'r Rheoliadau)*

Mae'r Rheoliadau hyn yn diwygio Rheoliadau Iechyd Planhigion etc. (Ffioedd) (Cymru) 2018 ("Rheoliadau 2018") sy'n pennu ffioedd sy'n daladwy i Weinidogion Cymru mewn perthynas â gwasanaethau iechyd planhigion ac ardystio tatws hadyd a phlanhigion ffrwythau a deunydd lluosogi planhigion ffrwythau.

Mae rheoliad 2(2) yn mewnosod rheoliad 6A yn Rheoliadau 2018 i ddarparu ar gyfer y ffi sy'n daladwy gan fewnforiwr tatws sy'n tarddu o Libanus pan fo arolygydd yn cymryd samplau o lot tatws at ddibenion Penderfyniad Gweithredu'r Comisiwn (EU) 2019/1614 sy'n awdurdodi Aelod-wladwriaethau i ddarparu ar gyfer rhanddirymiadau rhag darpariaethau penodol Cyfarwyddeb y Cyngor 2000/29/EC mewn cysylltiad â thatws, ac eithrio tatws a fwriedir ar gyfer eu plannu, sy'n tarddu o ranbarthau Akkar a Bekaa, Libanus (OJ Rhif L 250, 30.9.2019, t. 85).

Mae rheoliad 2(3) yn amnewid Atodlen 2 i Rheoliadau 2018, sy'n nodi ffioedd cyfradd gostyngol sy'n daladwy gan fewnforiwr llwyth o drydedd wlad ar gyfer gwiriadau iechyd planhigion mewn cysylltiad â phlanhigion penodol a chynhyrchion planhigion penodol sy'n ddarostyngedig i lefelau is o wiriadau y cytunwyd arnynt o dan y weithdrefn y darperir ar ei chyfer yn Erthyglau 13a(2) a 18(2) o Gyfarwyddeb y Cyngor 2000/29/EC ynghylch mesurau diogelu rhag cyflwyno i'r Gymuned organebau sy'n niweidiol i blanhigion neu i gynhyrchion planhigion a rhag eu lledaenu o fewn y Gymuned (OJ Rhif L 169, 10.7.2000, t. 1). Mae'r rheoliad hwn yn rhoi effaith i'r hysbysiad diweddaraf a gyhoeddwyd gan y Comisiwn Ewropeaidd am y lefelau is o wiriadau iechyd planhigion sy'n gymwys i blanhigion penodol ac i

gynhyrchion planhigion penodol (a gyhoeddwyd ar 19 Tachwedd 2019).

Ystyriwyd Cod Ymarfer Gweinidogion Cymru ar gynnal Aseidiadau Effaith Rheoleiddiol mewn perthynas â'r Rheoliadau hyn. O ganlyniad, ystyriwyd nad oedd yn angenrheidiol cynnal asesiad effaith rheoleiddiol o'r costau a'r manteision sy'n debygol o ddeillio o gydymffurfio â'r Rheoliadau hyn.

**2020 Rhif (Cy. )**

**IECHYD PLANHIGION,  
CYMRU**

**Rheoliadau Iechyd Planhigion etc.  
(Ffioedd) (Cymru) (Diwygio) 2020**

*Gwnaed* 28 Ionawr 2020

*Gosodwyd gerbron Cynulliad Cenedlaethol  
Cymru* 29 Ionawr 2020

*Yn dod i rym* 24 Chwefror 2020

Mae Gweinidogion Cymru yn gwneud y Rheoliadau hyn, gyda chydysyniad y Trysorlys, drwy arfer y pwerau a roddir gan adran 56(1) a (2) o Ddeddf Cyllid 1973(1), sydd bellach wedi eu breinio ynddynt hwy(2).

**Enwi a chychwyn**

1. Enw'r Rheoliadau hyn yw Rheoliadau Iechyd Planhigion etc. (Ffioedd) (Cymru) (Diwygio) 2020 a deuant i rym ar 24 Chwefror 2020.

**Diwygio Rheoliadau Iechyd Planhigion etc.  
(Ffioedd) (Cymru) 2018**

2.—(1) Mae Rheoliadau Iechyd Planhigion etc. (Ffioedd) (Cymru) 2018(3) wedi eu diwygio fel a ganlyn.

(2) Ar ôl rheoliad 6 mewnosoder—

**“Tatws sy'n tarddu o Libanus: ffi**

**6A.—(1) Pan fo arolygydd yn cymryd sampl o datws sy'n tarddu o Libanus er mwyn canfod,**

- 
- (1) 1973 p. 51; diwygiwyd adran 56(1) gan O.S. 2011/1043, ac mae wedi ei diwygio yn rhagolygol gan baragraff 17 o Atodlen 8 i Ddeddf yr Undeb Ewropeaidd (Ymadael) 2018 (p. 16) o ddyddiad ac amser sydd i'w bennu.
- (2) Yn rhinwedd adran 59(5) o Ddeddf Llywodraeth Cymru 2006 (p. 32).
- (3) O.S. 2018/1179 (Cy. 238), a ddiwygiwyd gan O.S. 2019/1378 (Cy. 244).

at ddibenion Erthygl 4 o'r Penderfyniad, pa un a yw'r tatws hynny wedi eu heintio ag is-rywogaethau *Clavibacter michiganensis* (Spieckermann and Kotthoff) Davis et al., rhaid i'r mewnoforiwr dalu ffi o £70.83 mewn cysylltiad â phob lot sy'n cael ei samplu.

(2) Ym mharagraff (1), ystyr "y Penderfyniad" yw Penderfyniad Gweithredu'r Comisiwn (EU) 2019/1614 sy'n awdurdodi Aelod-wladwriaethau i ddarparu ar gyfer rhanddirymiadau rhag darpariaethau penodol Cyfarwyddeb y Cyngor 2000/29/EC mewn cysylltiad â thatws, ac eithrio tatws a fwriedir ar gyfer eu plannu, sy'n tarddu o ranbarthau Akkar a Bekaa, Libanus(1)."

(3) Yn lle Atodlen 2 rhodder—

“ATODLEN 2 Rheoliad 3(2) a (3)

Ffioedd arolygu mewnofrio:  
cyfraddau gostyngol

<i>Genws</i>	<i>Gwlad Tarddiad</i>	<i>Ffi (£)</i>
<b>Blodau wedi eu torri</b>		
<i>Aster</i>	Zimbabwe	32.06
<i>Dianthus</i>	Colombia	1.28
	Ecuador	6.41
	Kenya	2.14
	Twrci	6.41
<i>Rosa</i>	Colombia	1.28
	Ecuador	0.43
	Ethiopia	2.14
	Kenya	4.28
	Tanzania	21.38
	Zambia	4.28
<b>Canghennau gyda deiliant</b>		
<i>Phoenix</i>	Costa Rica	17.00
<b>Ffrwythau</b>		
<i>Actinidia</i>	Unrhyw drydedd wlad	2.66
	<i>Carica papaya</i>	Unrhyw drydedd wlad
<i>Citrus</i>	Yr Aifft	39.83
	Meccsico	26.55
	Moroco	1.59
	Periw	5.31
	Twrci	1.59
	UDA	13.28
<i>Cydonia</i>	Unrhyw drydedd wlad yn Ewrop <sup>(1)</sup>	2.66

(1) OJ Rhif L 250, 30.9.2019, t. 85.

<i>Fragaria</i>	Unrhyw drydedd wlad	2.66
<i>Malus</i>	Yr Ariannin	18.59
	Brasil	26.55
	Chile	2.66
	Unrhyw drydedd wlad yn Ewrop <sup>(1)</sup>	2.66
	Seland Newydd	5.31
<i>Mangifera</i>	De Affrica	2.66
	Brasil	26.55
<i>Passiflora</i>	Colombia	3.72
	Kenya	13.28
	De Affrica	26.55
	Fiet-nam	13.28
	Zimbabwe	39.83
<i>Persea americana</i>	Unrhyw drydedd wlad	2.66
<i>Prunus</i>	Yr Ariannin	39.83
	Chile	5.31
	Unrhyw drydedd wlad yn Ewrop <sup>(1)</sup>	2.66
	Moroco	26.55
	Twrci	18.59
<i>Prunus ac eithrio prunus persica</i>	De Affrica	5.31
<i>Pyrus</i>	Yr Ariannin	7.97
	Chile	7.97
	Tsieina	26.55
	Unrhyw drydedd wlad yn Ewrop <sup>(1)</sup>	2.66
	De Affrica	5.31
<i>Ribes</i>	Unrhyw drydedd wlad yn Ewrop <sup>(1)</sup>	2.66
<i>Rubus</i>	Unrhyw drydedd wlad	2.66
<i>Vaccinium</i>	Yr Ariannin	13.28
	Chile	5.31
	Periw	5.31
	Unrhyw drydedd wlad yn Ewrop <sup>(1)</sup>	2.66
<i>Vitis</i>	Unrhyw drydedd wlad	2.66
<b>Llysiau</b>		
<i>Solanum lycopersicon</i>	Yr Ynysoedd	2.66
	Dedwydd	
<i>Solanum melongena</i>	Moroco	2.66
	Twrci	7.97

<sup>(1)</sup> Mae “drydedd wlad yn Ewrop” yn cynnwys Albania, Andorra, Armenia, Azerbaijan, Belarws, Bosnia-Herzegovina, Yr Ynysoedd Dedwydd, Ynysoedd Farøe, Georgia, Gwlad yr Iâ, Liechtenstein, Moldofa, Monaco, Montenegro,

Gogledd Macedonia, Norwy, Rwsia (dim ond y rhannau a ganlyn: Y Rhanbarth Ffederal Canolog (Tsentralny federalny okrug), Rhanbarth Ffederal y Gogledd-orllewin (Severo-Zapadny federalny okrug), Rhanbarth Ffederal y De (Yuzhny federalny okrug), Rhanbarth Ffederal Gogledd y Cawcasws (Severo-Kavkazsky federalny okrug) a Rhanbarth Ffederal y Folga (Privolzhsky federalny okrug)), San Marino, Serbia, Twrci ac Ukrain.”

*Lesley Griffiths*

Gweinidog yr Amgylchedd, Ynni a Materion Gwledig,  
un o Weinidogion Cymru  
28 Ionawr 2020